

Publication:- Aajkaal

Date: - 16th December 2017

Page No: - 02

Opening Ceremony of 16th The India International Mega Trade Fair (IIMTF) at Science City ground organized by The Bengal Chamber & G S Marketing

রাজ্য



১৬তম ইন্ডিয়া ইন্টারন্যাশনাল মেগা ট্রেড ফেয়ারের উদ্বোধনী অনুষ্ঠানে অমিত মিত্র।
আছেন ইন্দ্রজিৎ সেন ও প্রকাশ শাহ। সায়েন্স সিটি গ্রাউন্ডে, শুক্রবার। ছবি: শিখর কর্মকার

২ বাংলা জাহাজ গড়বে

আজকালের প্রতিবেদন

পশ্চিমবঙ্গ ও বাংলাদেশ 'স্পেশ্যাল পারপাস ভেহিকল' মডেলে তৈরি করবে অসামরিক জাহাজ। এ ব্যাপারে মিলেছে বিদেশ ও প্রতিরক্ষা দপ্তরের প্রয়োজনীয় অনুমতি। শুক্রবার কলকাতায় এক অনুষ্ঠানে এ কথা জানিয়েছেন রাজ্যের অর্থ এবং শিল্পমন্ত্রী অমিত মিত্র। এদিন তিনি বলেন, জিএসটি চালুর পর দেশে যত রাজস্ব আয় হবে ভাবা হয়েছিল, তা হয়নি। কম রাজস্ব আদায়ের জন্য দায়ী জিএসটি সফটওয়্যার, এমনই অভিমত তাঁর। অর্থমন্ত্রী আরও জানান, নিউ টাউনের ফিনানশিয়াল হাবে ব্যাঙ্কগুলি নন-ব্যাঙ্কিং কাজের জন্য ৪৯ শতাংশ জমি কাজে লাগাতে পারবে। বাগদা চিংড়ি রপ্তানি আরও বাড়তে হলেদিয়ায় হবে অত্যাধুনিক প্রক্রিয়াকরণ কেন্দ্র।

ইন্টারন্যাশনাল মেগা ট্রেড ফেয়ারের উদ্বোধন করেন তিনি। এই উপলক্ষে আয়োজিত অনুষ্ঠানে উপস্থিত ছিলেন জিএস মার্কেটিং অ্যাসোসিয়েটসের প্রকাশ শাহ, এক্সপোর্ট প্রমোশন কাউন্সিল অফ হ্যান্ডিক্রাফটস এবং ইন্ডিয়া এক্সপোর্ট মার্ট লিমিটেডের চেয়ারম্যান রাকেশ কুমার, দ্য বেঙ্গল চেম্বারের সভাপতি ইন্দ্রজিৎ সেন, নেপালের ডেপুটি কনসাল জেনারেল নারায়ণ শর্মা, কলকাতায় বাংলাদেশের ডেপুটি হাই কমিশনের প্রথম সচিব (বাণিজ্য) সইফুল ইসলাম, এলআইসি-র এসএন ভট্টাচার্য প্রমুখ। অমিতবাবু বলেন, শালিমার ওয়ার্কসের সঙ্গে বাংলাদেশের একটি সংস্থা মিলে অসামরিক জাহাজ তৈরি করবে। বিদেশ, প্রতিরক্ষা মন্ত্রকের অনুমতি পাওয়া গেছে। তিনি বলেন, জিএসটি চালুর পর দেশে ১৪ শতাংশ আর্থিক বৃদ্ধির আশা করা

৪ মাসে আদায় হয়েছে ১ লক্ষ ৩৬ হাজার কোটি টাকা। হওয়ার কথা ছিল ১ লক্ষ ৭২ হাজার কোটি টাকা। এমন হলে বছর শেষে ক্ষতি ১ লক্ষ কোটি টাকা ছাড়িয়ে যাবে। ক্ষতিপূরণের জন্য ৫৫ হাজার কোটি টাকার তহবিল রয়েছে কেন্দ্রের। বাকি অর্থ কোথা থেকে জোগাড় হবে, তা নিয়ে উদ্দিগ্ন তিনি। বাগদা চিংড়ি রপ্তানিতে দেশে প্রথমে স্থানে রাজ্য। তার পরিমাণ আরও বাড়তে তৎপর রাজ্য সরকার। এ ব্যাপারে অমিতবাবু বলেন, ২০১৬-১৭ অর্থবর্ষে এ দেশ থেকে ৮১ হাজার ৪৫২ মেট্রিক টন বাগদা চিংড়ি রপ্তানি হয়েছে। যার মধ্যে এ রাজ্য থেকে ৬১ হাজার ৯৯০ মেট্রিক টন। আইএফবি হলদিয়ায় তৈরি করছে অত্যাধুনিক চিংড়ি প্রক্রিয়াকরণ কেন্দ্র। এদিকে, মেলার সহযোগী দেশ বাংলাদেশ। ফোকাল দেশ নেপাল ও নেদারল্যান্ডস। মেলা চলবে ২৫ ডিসেম্বর